



Broj: 01/14-11-3083-3/26
Sarajevo, 15.06.2026. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama BiH (u daljem tekstu: „Zakon“) („Službeni glasnik BiH“, br. 39/14, 59/22 i 50/24), i člana 41. Statuta Grada Sarajeva („Službene novine Kantona Sarajevo“, br. 07/23), a na preporuku Komisije za javne nabavke imenovane Rješenjem broj: 01/14-04-211/26 od 16.01.2026. godine (u daljem tekstu: „Komisija“), gradonačelnik Grada Sarajeva donosi

ODLUKU

o izboru najpovoljnijeg ponuđača putem konkurentskog zahtjeva za dostavljanje ponuda

I

Prihvata se ponuda ponuđača **Drvoprox d.o.o. Sarajevo**, sa sjedištem u ulici Esada Midžića 15, 71000 Sarajevo, u postupku javne nabavke usluga „Usluge higijenskog tekućeg održavanja spomenika, fontana i javnih česmi“, putem konkurentskog zahtjeva za dostavljanje ponuda, sa ponuđenom cijenom u iznosu od 18.000,00 KM bez PDV-a.

II

Sa ponuđačem **Drvoprox d.o.o. Sarajevo** zaključit će se Ugovor o pružanju usluga iz tačke I ove Odluke.

III

Sastavni dio ove Odluke čine Zapisnik o pregledu i ocjeni ponuda od 11.06.2026. godine.

IV

Ova Odluka stupa na snagu danom donošenja.

V

Ova Odluka će se objaviti na službenoj web stranici Ugovornog organa, istovremeno sa upućivanjem ponuđačima koji su učestvovali u postupku javne nabavke, u skladu sa odredbama člana 70. stav (6) Zakona o javnim nabavkama.





Obrazloženje

Odlukom o pokretanju postupka javne nabavke konkurentskog zahtjeva za dostavljanje ponuda, broj 01/14-11-3083-2/26 od 11.05.2026. godine, započet je postupak javne nabavke usluga: „Usluge higijenskog tekućeg održavanja spomenika, fontana i javnih česmi“. Obavještenje o nabavci broj: 1278-7-2-61-3-46/26 objavljeno je dana 21.05.2026. godine na portalu Agencije za javne nabavke, dok je sažetak obavještenja objavljen u Službenom glasniku BiH broj: 37/26.

U predviđenom roku za dostavljanje ponuda na protokol Ugovornog organa zaprimljene su tri (3) ponude, i to ponuđača:

1. „MIŠKO – GROUP“ d.o.o., sa sjedištem u ulici Papratnica 108, 72230 Žepče,
2. Kristal d.o.o. Sarajevo, sa sjedištem u ulici Džemala Bijedića 135, 71000 Sarajevo,
3. Drvoprox d.o.o. Sarajevo, sa sjedištem u ulici Esada Midžića 15, 71000 Sarajevo.

Postupajući u skladu sa članom 63. Zakona, Komisija je u zakazano vrijeme pristupila javnom otvaranju ponuda, prilikom čega su ustanovljene cijene pristiglih ponuda i to kako slijedi:

RB	Broj protokola	Ponuđač	Datum i sat prijema	Ukupna cijena Ponude bez PDV-a	Ponudeni popust	Ukupna cijena Ponude sa popustom bez PDV-a
1.	14-11-3757/26	„MIŠKO – GROUP“ d.o.o. Papratnica 108 72230 Žepče	01.06.2026. u 10:09h	17.802,00 KM	-	17.802,00 KM
2.	14-11-3812/26	Kristal d.o.o. Sarajevo Džemala Bijedića 135 71000 Sarajevo	03.06.2026. u 09:20h	17.960,00 KM	-	17.960,00 KM
3.	14-11-3815/26	Drvoprox d.o.o. Sarajevo Esada Midžića 15 71000 Sarajevo	03.06.2026. u 09:50h	18.000,00 KM	-	18.000,00 KM

Komisija za javne nabavke je, u postupku pregleda i ocjene ponuda, izvršila detaljnu analizu dokumentacije dostavljene u sastavu ponuda, s ciljem utvrđivanja njihove formalno-pravne ispravnosti, ispunjenosti kvalifikacionih uslova i usklađenosti sa zahtjevima iz tenderske dokumentacije, te je utvrdila sljedeće:

- a) Ponuđač „MIŠKO – GROUP“ d.o.o., Papratnica 108, 72230 Žepče isključen je iz daljeg postupka javne nabavke zbog neispunjavanja uslova za kvalifikaciju propisanih tenderskom dokumentacijom.

Pregledom dostavljene ponude Komisija je utvrdila da ponuđač nije dostavio dokaz zahtijevan tačkom 7.3.2. a) tenderske dokumentacije. Naime, navedenom tačkom tenderske dokumentacije propisano je da su ponuđači uz ponudu u obavezi dostaviti Spisak izvršenih ugovora, koji je u vezi s predmetnom nabavkom, odnosno čija je složenost ista ili slična predmetu ugovora: usluge održavanja, čišćenja ili sličnih komunalnih usluga, u posljednje 3 (tri) godine ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine, a koji sadrži 1 (jedan) ili više ugovora čija je ukupna vrijednost jednaka ili viša od 18.000,00 KM bez uračunatog



PDV-a – referenc lista koju sačinjava ponuđač na svom memorandumu, sa potvrđama o njihovoj realizaciji od druge ugovorne strane.

Detaljnou analizou ponude ponuđača „MIŠKO-GROUP“ d.o.o. Komisija je utvrdila da isti nije dostavio traženi Spisak izvršenih ugovora, iako je dostavio potvrdu o uspješnoj realizaciji ugovora. Budući da nije dostavljen dokaz izričito zahtijevan tenderskom dokumentacijom, ponuđač nije dokazao ispunjavanje uslova tehničke i profesionalne sposobnosti, zbog čega je njegova ponuda ocijenjena neprihvatljivom i odbačena iz daljeg postupka javne nabavke.

- b) Komisija za javne nabavke je prilikom pregleda i ocjene ponuda utvrdila postojanje računске greške u ponudi ponuđača Kristal d.o.o. Sarajevo, o čemu je ponuđač blagovremeno obaviješten i kojem je dostavljen zahtjev za izjašnjenje. Dana 04.06.2026. godine ponuđaču je upućen e-mail sa zahtjevom za izjašnjenje o uočenoj računskoj grešci, a isti je potvrdio prijem navedenog e-maila. Shodno članu 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14, 20/15 i 3/23) i tački 9.4. tenderske dokumentacije, Komisija je prilikom pregleda ponude ponuđača „Kristal“ d.o.o. Sarajevo utvrdila računsku grešku u Obrascu za cijenu ponude (Aneks 2), i to kako slijedi:

U Obrascu za cijenu ponude pod tačkom (B) – Usluge higijenskog tekućeg održavanja javnih česmi (47 javnih česmi na teritoriji Grada Sarajeva – općine Stari Grad, Centar i Novo Sarajevo), pod rednim brojem 1 – „Detaljno neinvazivno čišćenje koje obuhvata pranje vodom pod odgovarajućim pritiskom, čišćenje blagim preparatima na bazi vode i ručnim putem (1 x u toku šestomjesečnog ugovornog perioda)“, navedena je jedinična cijena od 800,00 KM, dok je u koloni „Ukupna cijena (jedinična cijena x količina 1)“ naveden iznos od 4.800,00 KM.

Računskom kontrolom Komisija je utvrdila da ukupna cijena za navedenu stavku iznosi 800,00 KM, odnosno da je došlo do pogrešnog množenja jedinične cijene i količine. Slijedom navedenog, Komisija je utvrdila da rekapitulacija ponude treba glasiti:

- UKUPNO BEZ PDV-a: umjesto 17.960,00 KM, iznosi 13.960,00 KM;
- PDV 17%: umjesto 3.053,20 KM, iznosi 2.373,20 KM;
- UKUPNO SA PDV-om: umjesto 21.013,20 KM, iznosi 16.333,20 KM.

Zahtjevom Komisije za prihvatanje ispravke računске greške od 04.06.2026. godine ponuđaču je ostavljen rok za izjašnjenje do 08.06.2026. godine do 15:30 sati. Ponuđač „Kristal“ d.o.o. Sarajevo nije dostavio izjašnjenje u ostavljenom roku. Shodno članu 68. stav (4) tačka g) Zakona o javnim nabavkama Bosne i Hercegovine, ponuda navedenog ponuđača odbačena je iz daljeg postupka javne nabavke, budući da isti nije dostavio saglasnost na ispravku računске greške.

Obzirom da je tenderskom dokumentacijom bilo predviđeno provođenje e-aukcije, Komisija je utvrdila da se nisu stekli uslovi za njeno provođenje, budući da je nakon pregleda i ocjene ponuda ostala samo jedna prihvatljiva ponuda, zbog čega e-aukcija nije provedena, u skladu sa Pravilnikom o uslovima i načinu korištenja e-aukcije.



Nakon provedenog pregleda i ocjene ponuda, Komisija je utvrdila da je ponuda ponuđača „Drvoprox“ d.o.o. Sarajevo, Esada Midžića 15, 71000 Sarajevo, jedina prihvatljiva ponuda u predmetnom postupku javne nabavke „Usluga higijenskog tekućeg održavanja spomenika, fontana i javnih česmi“, sa ponuđenom cijenom od 18.000,00 KM bez PDV-a, odnosno 21.060,00 KM sa PDV-om.

Shodno navedenom, Komisija za javne nabavke daje preporuku gradonačelniku Grada Sarajeva za donošenje Odluke o izboru najpovoljnijeg ponuđača, odnosno za prihvatanje ponude ponuđača „Drvoprox“ d.o.o. Sarajevo kao jedine prihvatljive ponude u predmetnom postupku, te predlaže da se, u skladu sa članom 70. Zakona o javnim nabavkama, ugovor za predmetnu javnu nabavku dodijeli navedenom ponuđaču po cijeni od 18.000,00 KM bez PDV-a, odnosno 21.060,00 KM sa PDV-om.

Cijeneći sve naprijed navedeno, gradonačelnik Grada Sarajeva odlučuje kao u dispozitivu ove Odluke.

Pouka o pravnom lijeku: Ponuđači koji su učestvovali u postupku javne nabavke mogu radi zaštite svojih prava i pravnih interesa, u roku od 5 (pet) dana od prijema Odluke o izboru najpovoljnijeg ponuđača, izjaviti žalbu Uredu za razmatranje žalbi putem ugovornog organa, u dovoljnom broju primjeraka.

GRADONAČELNIK

Samir Avdić s.r.

Dostaviti:

- Ponuđačima u postupku (3x),
- spis (2x).